

tente id Pontifice Laurentio, sicut ipse testatur in præfatione, in qua docet, de propria significatione uocis symboli, & quare Apostoli, ueram fidei confessionem, ab ipsis factam, uoluerint dici symbolum Apostolorum, uidelicet, quod communicata sententia, quilibet ad id aliquid contulerit, et in commune, uoluerint eorum discipulos cognosci, & discerni ab his, qui Pseudoapostolorum doctrinam sequebantur.

III. Sed ut ad rem ueniam, is primus articulum, Credo in Deum patrem omnipotentem &c. Sic exponit: Patrem cum audis, filium intellige & patrem, qui filius supra dictus est imago substantiæ. Sicut enim nemo dicitur Dominus, nisi habeat uel possessionem, uel seruum, cui dominetur, & sicut nemo Magister dicitur, nisi discipulum habeat: Ita & pater nullo pacto quis dici potest, nisi filium habens. Hoc ergo ipso nomine, quo Deus appellatur, cum patre pariter subsistere etiam filius demonstratur. Quomodo sane Deus pater genuerit filium, nolo discutias, nec te curiosius inseras in profundi huius arcanum, ne forte, dum in accessæ lucis fulgorem perti-

A in

nacius